

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 18. De ira.

[urn:nbn:de:hbz:466:1-60495](#)

52 *Considerationes Christianæ*

Januarius.

tum illud malum esse oportet, pro quo Medicus charitate plenissimus tam crudele præscribit remedium. Ah! Domine, immunem me redde tam molesto remedio. Tu solus medicinam superbiæ meæ afferre potes. Quantumvis violenta sint remedia: modò à te me non separent; lubentissimè ijs me submitto; imò dulcia mihi erunt, si tanto me malo reddant immunem.

Candidè ac sincerè agnoscas superbiæ, quâ laboras, radicem. Inquire, quinam effectus sint periculosiores, & statue adhibere media efficacissima, ad cursum ejus inhibendum.

Odibilis coram Deo & hominibus superbia. Eccli. Io. v. 7.

Erubescat homo, esse superbus, propterea quem humilis factus est Deus. Aug.

DIES XVIII.

De Ira.

I.

Matth. 5.v. 22. **O**Mnis, qui irascitur fratri suo, reus erit iudicio DEI, & hominum. Ratio, & fides

hanc animi motionem æqualiter damnant.

Rationis compotes & Christiani esse cessamus, ut primùm iræ impetu efferimur.

L Cessamus esse rationis compotes: Aliæ

uit-

quidē animi affectiones rationem turbant, Januarius, & debilitant, sed ista, ubi paulò violentior est, ejus usum penitus aufert. Ira, quæ mox evanescit, brevis stultitia est: Sed ira inveterata stultitia constans. Ira, inquit Eccl. 7. 9. Spiritus sanctus, in sinu stulti requiescit, 10. velut in centro suo. Sapientissimi quique tales esse cessant, ubi iræ motibus abripi se patiuntur. Homo domi suæ irâ excandescens bestiæ feroci, quam homini similior est. Est, inquit sapiens, ergastulo elapsus leo, qui omnia terrore, & confusione replet, omnes terrefacit & in fugam vertit. Est mare furiosum, quod nullo aggere coërceri potest: nec alios limites habet, præter limites potestatis, & commotionis suæ. Quot sunt motus, verba, & actiones, tot etiam peccata admittit.

II. Nihil melius prodit, quam rationi dissona sit hæc animi motio, quam, quod homo irâ succensus ritè se agere sibi semper persuadeat. Ira semper justa esse videtur ei, qui eâ se abripi sinit; cum tamen nullus animi motus iniquior sit. Injusta est in suo principio; cum sæpe res nihil, vox unica, unica imaginatio hominem extra se rapiat. Injusta est in sua agendi ratione. Anne malum bene sanatur majori malo? Anne defectus levis, & sæpe imaginarius

D 3 bene

Nemini iraſ-
centi v' detur
ira sua inju-
sta. Aug.

Januarius.

bene corrigitur per defectum verissimum,
& gravissimum? estne malum illud, quod
vindicare volumus, par illi, quod nobis
ipsis infligimus, dum illud ulcisci nitimus?
Amittimus enim rationis usum, pacem,
charitatem, & gratiam. anne is, quem
inimicum tuum reputas, tantum tibi ma-
lum inferre unquam potest? Quam injusta
ira est in suis effectibus? quae peccata non
procreat? quantam non parit confusione,
dum nullam servat proportionis normam,
pænam inter, & delictum, quod punire in-
tendit, si tamen delictum fuit. Amanira-
tus omnes Judæos funditus extirpare cona-
tur, quod Mardochæus officio eum vene-
randi defuerit. Saul omnes Sacerdotes
interfici jubet, quod unus eorum aliquid
panis Davidi porrexerit? quae proportio?

III. Ira severius adhuc in judicio Dei,
quam hominum damnatur: *reus erit judicio.*
Injuria ex iræ motu prolata, ipsius Christi
judicio non nisi igne æterno puniri satis-
porest: *REUS erit gehennæ ignis.* Quam
grave erit peccatum, cui Deus adeò bonus,
Deus Servator tam horrendam imponit
pænam? Ipsa ejus benignitas & Zelus,
quo in mansuetudinem fertur, eum adigit,
ut tam severè in iram animadvertis. Ho-
mo Servitoris sui mansuetudinem non ex-
spectet,

Matth. 5.
v. 22.

pro singulis anni diebus.

ss Januarius.

Spectet, nisi ea erga fratrem quoque suum utatur. Qua ratione, inquit sapiens, aver-
sionem, & odium fovere erga proximum
uum potes, cum iram DEI placare conaris?
Hoc sane non est medium, Deum sibi red-
dendi propitium; qui veniam ab eo petere
& sperare audes, dum eam fratri tuo
negas?

*Ecclesiastes 28. v.
3. Eccl.*

Statue fortiter te impendere superandæ huic
animi commotioni, quæ tam molestos habet effe-
ctus, si sentias eam tibi dominari: permisum tibi
non est irasci, nisi tibimet ipsi, & peccato.

Homo homini reservat iram, & à DEO
quærerit medelam. *Ecclesiastes 28. 3.*

Irasci hominis est; & iram non perficere
Christiani. *Hieron.*

D I E S X I X.

De Invidia.

I.

INvidia est dolor de prosperitate alterius;
superbiae effectus, & charitatis ruina.
Quanta stultitia, ex alterius felicitate sibi-
met ipsi infelicitatem machinari? hoc est
bonum in malum, & optimos cibos in ve-
nenum convertere. Dum de aliorum
bonis, & virtutibus gaudeo, earundem

D 4

par.